

1. **Javna ustanova „Fond Memorijala Kantona Sarajevo“**, sa sjedištem u Sarajevu, ul. Širokac br. 22, Općina Stari Grad, Kovači-Sarajevo, JIB:4200305180002, koga zastupa direktor Hazim Bahtanović, mr. (u daljem tekstu: **Ugovorni organ**)

i

2. **„GEPETTO“ d.o.o. Sarajevo**, sa sjedištem u ul. Medrese broj 30 - Općina Stari Grad, ID broj: 4200460740006, PDV broj: 200460740006 koga zastupa Fahrudin Beširević, dipl.ing., direktor (u daljem tekstu: **Dobavljač**)

Zajednički naziv za Ugovornog organa i Dobavljača je **UGOVORNE STRANE**.

zaključili su u Sarajevu, dana 07.08.2020.godine

UGOVOR **o nabavci opreme za muzejski depo**

I PREDMET UGOVORA

Član 1.

Predmet ovog Ugovora je nabavka, isporuka i montaža drvenih polica za opremanje muzejskog depoa na Spomeničkom kompleksu Tunel DB, a sve po jediničnim cijenama Dobavljača, prema Ponudi broj:06/20 od 15.06.2020.godine, koja čini sastavni dio ovoga ugovora.

II CIJENA I NAČIN PLAĆANJA

Član 2.

Netto vrijednost ugovora iznosi	2.200,00 KM
PDV17% u iznosu od	374,00 KM

Ugovorne strane su saglasne da ukupna vrijednost ugovora sa uključenim PDV-om iznosi
2.574,00 KM

(slovima:dvijehiljadepetstotinasedamdesetčetiri KM)

Član 3.

Ugovorni organ će Dobavljaču uplatiti avans u iznosu od 30% od ugovorene cijene nakon što Dobavljač predoči Ugovornom organu avansnu fakturu i mjenicu sa mjeničnom izjavom.

Ugovorni organ se obavezuje da će isplatiti ostatak ugovorene cijenu nakon izvršenja predmeta ugovora, a u zakonskom roku od 15 /petnaest/ dana od datuma prijema ovjerene fakture.

III ROK ISPORUKE

Član 4.

Ugovorne strane su saglasne da je Dobavljač dužan isporučiti predmet ugovora u roku od 15 /petnaest/ radnih dana od datuma uplate avansa.

IV MJESTO ISPORUKE

Član 5.

Ugovorne strane su saglasne da je mjesto isporuke predmeta ugovora: Spomenički kompleks Tunel DB.

V GARANTNI ROK

Član 6.

Za opremu iz člana 1. ovog Ugovora dostavlja se garantni list. Garantni rok teče od dana primopredaje. Dobavljač se obavezuje da će za vrijeme trajanja garancije bez naknade otkloniti sve eventualne nepravilnosti predmeta ugovora, ukoliko su iste obuhvaćene garancijom.

VI OSTALE ODREDBE

Član 7.

Do predaje predmeta ugovora Ugovornom organu rizik slučajne propasti ili oštećenja stvari snosi Dobavljač. Predajom predmeta ugovora rizik prelazi na Ugovorni organ, ali rizik ne prelazi na Ugovorni organ ako je on zbog nedostatka prodane stvari raskinuo ugovor ili tražio zamjenu stvari.

Član 8.

Dobavljač odgovara za materijalne nedostatke predmeta ugovora koje je on imao u času prelaska rizika na Ugovorni organ, bez obzira da li mu je to bilo poznato. Dobavljač odgovara i za one materijalne nedostatke koji se pojave poslije prelaska rizika na Ugovorni organ, ako su posljedica uzroka koji je postojao prije toga.

Materijalni nedostaci na predmetu ugovora postoje u sljedećim slučajevima:

- ako predmet ugovora nema potrebna svojstva za njenu redovnu uporabu ili za promet,
- ako predmet ugovora nema potrebna svojstva za naročitu upotrebu za koju je Ugovorni organ nabavlja, a koja je bila poznata Dobavljaču, ili mu je morala biti poznata,
- ako predmet ugovora nema svojstva i odlike koje su izričito ili prešutno ugovorene, odnosno propisane,
- ako je Dobavljač predao predmet ugovora koji nije odgovarajući uzorku ili modelu, osim ako je uzorak ili model pokazan samo radi obavještenja.

Član 9.

O vidljivim nedostacima predmeta ugovora Ugovorni organ je dužan izvijestiti Dobavljača u roku od 8 (osam) dana. Kad se nakon primitka predmeta ugovora od strane Ugovornog organa pokaže da predmet ugovora ima neki nedostatak koji se nije mogao otkriti uobičajenim pregledom, prilikom preuzimanja istog (skriveni nedostatak), Ugovorni organ je dužan o tom nedostatku obavijestiti Dobavljač u roku od 8 (osam) dana, računajući od dana kad je nedostatak otkrio.

Član 10.

Dobavljač odgovara Ugovornom organu da predmet ugovora ima određeni kvalitet potreban za njenu redovnu upotrebu.

Kvalitativni i kvantitativni prijem predmeta ugovora će se vršiti prilikom preuzimanja istog. Ukoliko isporučeni predmet ugovora ne odgovara naručenom, u pogledu kvantiteta i asortimana Ugovorni organ isti neće primiti.

Član 11.

Na odnose između ugovornih strana koji nisu regulisani ovim ugovorom primjenjuju se odgovarajuće odredbe Zakona o obligacionim odnosima.

Član 12.

Ovaj ugovor je sačinjen u 4 /četiri/ istovjetna primjerka, od kojih obje ugovorne strane zadržavaju po 2 /dva/ primjerka.

Član 13.

Ugovor stupa na snagu danom obostranog ovjeravanja i potpisivanja ugovora od strane ovlaštenih zastupnika ugovorenih strana.

**ZA UGOVORNI ORGAN
DIREKTOR**

Hazim Bahtanović, mr.



Broj: 13-03-01/45-182/20
Sarajevo, 07.08.2020.godine

**ZA DOBAVLJAČA
DIREKTOR**

Fahrudin Beširević, dipl.ing



Broj:
Sarajevo, 12.08.2020

